



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manna Animæ Sev Exercitium Facile Simul Et Fructuosum Illis, Qui Quoquo Modo Vacare Orationi Desiderant

Segneri, Paolo

Dilingæ, 1699

XXIII. Quicumque voluerit amicus esse seculi hujus, inimicus Dei
constituitur. Jac. 4. 14.

[urn:nbn:de:hbz:466:1-48281](https://nbn-resolving.org/urn:nbn:de:hbz:466:1-48281)

Thr. 4. 18. Via platearum sunt præ-
 alis planæ, politæ, publicæ, & in his ta-
 men multoties offendimus, in his ca-
 dimus, tanta est infirmitas humana.

XXIII.

Quicumque voluerit amicus esse seculi hujus, inimicus DEI confisur-
tur. Jac. 4. 14.

1. Considera seculum esse mensuram
 ejus, quod præterit, eamque ma-
 ximam. Prima est hora, tum dies,
 dem septimana, sequitur mensis, an-
 nus, & denique seculum. Proinde lo-
 cus, in quo attenditur quærendis bo-
 nis, quæ transeunt, lapsu temporis se-
 culum vocatus est, hoc enim summum
 est, quo frui liceat his bonis, unum se-
 culum. Imò quis hodie invenitur,
 qui illis tam diuturnatur? Idem secu-
 lum illa tibi donat & aufert. Nunc
 vide tantisper, an non vel solo nomine
 seculum amittat fidem. E contrario
 DEUS quid nominis? Is, qui est Do-
 minus seculi, immortalis, immutabi-
 lis, qui non subjacet alicui temporis
 mensura, quia sicut hujus est Autho-
 ritas, ita ipsi quoque dominatur. *DEUS*
autem Rex noster ante secula. Psalm.
73. 12.

2. Considera seculum suo Domino
 rebelle majorem, quam ipse habeat,
 in cor tuum sibi potestatem arrogare.
 Et quamvis nequeat demum alia of-
 ferte bona, quam sibi propria, hoc est,
 bona, quæ transeunt, & ut talia sunt,
 temporalia & fluxa nominantur, con-
 fidit tamen te magis illis adhæsurum
 quam ipsi DEO, qui bona sibi similia
 pollicetur, hoc est, æterna. Penes te est,
R. P. Pauli Segneri Manna Anima.

quid statuas. Imaginare tibi seculum
 ex unâ, DEUM verò ex aliâ parte cer-
 tatim contendere, quis te potiat. So-
 culum promittit tibi voluptates, divi-
 tias, honores, quæ sunt omnia ejus bo-
 na; sed non promittit nisi ad dies vi-
 tæ, ad unum seculum, & non ultra. Si
 malè cesserit in vitâ alterâ, tuum est
 damnum. DEUS vult tibi largiri
 bona infinites majora, sed non in secu-
 lo. Vult ea tibi postea largiri in æter-
 nitate. *Æstima, quid secundum re-*
ctam rationem oporteat amplecti.

3. Considera meritò videri nullum
 esse deliberationi locum, nisi tot cer-
 nesentur seculo potius adherere
 quam DEO. Siquidem plerique ho-
 minum vivunt instar brutorum ani-
 malium, multum præsentibus intenti,
 parum futuris. Tu esto verus homo,
 & idè futuris potius quam præsentibus
 attende. Ecce duas vias coram
 te, unam, quâ te ducere vult seculum,
 alteram, quâ te ducere veller DEUS.
 Non intra clausis oculis, sed antè con-
 sidera. *Via peccantium* (hæc est via
 seculi, quia via potiorum) *via peccan-*
tium complanata lapidibus. O viam
pulchram, totam lapidibus constr-
tam etiam splendentibus, totam ama-
bilem! numquid per eam incedere
dele-

delectat: sed tantum progredere paulisper, videbis. *Et in fine illorum.* Hoc nempe pessimum. Finitur statim lapidum elegantia, & tum quid succedet? *Et in fine illorum inferi, & tenebrae, & poena.* Eccl. 21. 11. *Inferi* superbis, qui passi sunt se offerri ab ambitione; *Tenebrae* avaris, qui permiserunt se excari a divitiis: *Pena* impuris, qui admiserunt blandimenta libidinis.

E contrario etiam considera viam DEI, illam, inquam, viam, quæ est extra seculum. Non nego illam tibi principio visum iri angustam. Vivere in puritate, vivere in paupertate, vivere in subiectione continua: *Arcta via est.* Nosti autem, quod te ducat? *Ducen ad vitam.* Quid ais igitur? Cui è duabus vijs te committes? seculi, an DEI? Tandem statue: sed dum statuis, dici tibi puta: *Quicumque voluerit amicus esse seculi huius, inimicus Dei constituitur.*

4. Considera non dici: *Quicumque voluerit esse in seculo, inimicus DEI constituitur.* Sed: *Quicumque voluerit amicus esse seculi huius.* Quia, ut verum fatear, poteris esse in seculo, & non esse amicus seculi, hoc est, per ejus viam non incedere, sed omnino contrariam, illam videlicet religioforum. Neque enim vera Religio ullo vel Alvernæ, vel Camaldolensi, vel Cassinate, vel Gratianopolitano monte circumscribitur. Potest illam, quisquis velit, invenire in medio seculi, modò ab illo se servet illibatum. *Religio munda apud DEVM & Patrem hæc est, immaculatum se custodire ab hoc seculo.* Jac. 1. *Credisne autem eò*

te posse perungere? si facile foret, tibi fortitan videtur, non in illa tantum juga fugisset Religio, que tantum præferunt horrores. Difficilimum est manere in seculo, & tam ejus amicum non constitui. Porro ejus amicus constitueris, actum est, jam es inimicus DEI. *Quicumque voluerit amicus esse seculi huius, inimicus DEI constituitur.* An exiguum malum videtur, ut aliud non sit, porci claudere semper, ne incurras inimicitiam horrendam? quid non agis, ut dednes inimicitiam unius Principis, unius nobilis, unius civis, unius hominis tibi similis? & ut evadas inimicitiam Dei non placet auspiciari statum etiam seu sualitati tuæ molestum? bene non idem esse contrahere amicitiam cum seculo, & contrahere inimicitiam cum DEO. Nihil medium intercedit: *Quicumque voluerit amicus esse seculi huius, inimicus DEI non constituitur, sed constituitur,* & quid est hoc dicere: *Inimicus DEI constituitur,* nisi quòd statim fiat inimicus DEO, sicut is, qui jam diu inimicus extitit, hoc est, inimicitia firmata robusta, quæ deinde non tam facile desinit: *Non fit inimicus DEI, constituitur.* Quia cum quis cepit ex instituto æstimare præsentia bona, quod est esse amicum seculi, quàm difficile est eum unquam amplius capi amore futurorum. Vis igitur cautè agere? relinque seculum, dum potes, vade de gere tuum seculum extra seculum. Vade, ubi credis te posse vivere in terra non modò bene, sed & sanctè. *In partes vade seculi sancti.* Eccl. 17. 23.

1. Considera denique, quid tibi agendum, si in tali statu verteris, ut non possis ullâ ratione fugere à seculo. Quid agendum? Non potest tibi alia dari regula, nisi quam innuimus. Non conformeris cum seculo. *Nolite conformari huic seculo.* Rom. 12. Non conformeris dictamine, non conformeris affectu, non conformeris actione. Video, quàm sit difficile esse in seculo, & non conformari eum seculo. Sed quid ages? quamprimum te illi conformabis, etiam amicus eris. Hoc est enim esse amicum alicujus, habere dictamina similia, affectus simi-

les, actiones similes. Ne cures igitur eò ire, quò plures eunt: *Non sequeris turbam ad faciendum malum.* Cura illis age, qui non sunt amici seculi, ama templa, ama religiosa claustra, ama loca seculo inimica. Verbo, nunquam tibi sit regula agendi, quod vides seculi moribus receptum, sed sola Lex Divina. Quâ autem ratione id ipsum consequi licebit? dum saepe tecum reputas, quæ demum sint illa bona, quæ tibi seculum præstare potest, ejus voluptates, divitiæ, honores, si tamen bona sunt, ut diutissimè durent, non esse nisi unius seculi bona.

XXIV.

Ipsè Spiritus testimonium reddit Spiritui nostro, quòd sumus Filii Dei: si autem Filii, & hæredes. Hæredes quidem DEI, cohæredes autem Christi: si tamen compassimur, ut conglorificemur. Rom. 8. 17.

1. Considera, quale sit testimonium, quod Spiritus sanctus nobis reddit, esse nos Filios DEI. Non est externum, ut illud, quod Christus accepit ad Jordanem, unde dicitur reddi *Spiritu nostro*, non oculis per viam visionis, nec auribus per viam locutionis, *Spiritu*. In quo igitur consistit ejusmodi testimonium? consistit in illo intimo sensu amoris filialis, quem nobis infundit erga DEUM, ita, ut abhorreamus à peccato, sed purè, quia est offensa DEI, ut libenter sermocinemur de DEO, multum operemur, sed solum hoc sine sublimi quærendi gloriam Divinam. Beatus, qui cor-

de suo possidet hunc purum amorem. Hoc enim certissimum est signum, quod, seclusâ revelatione manifestâ, haberi possit, te esse Filium DEI. Hoc enim est procedere ad modum filii, ex amore, non ex metu operari.

2. Considera nobilem consequentiam, quæ ex eo inferitur, quòd sis Filius DEI, nempe esse pariter & hæredem. Dona (qualia sunt bona terrena, bona temporalia) pertinent ad servos, unde Ismaël aliud non habuit, quàm dona. Ad Filios spectat hæreditas, prout illam habuit Isaacus. Verum est maximam esse inter humanos filios, & Divinos differentiam. Hu-

R. 2

manant